

সারা দেশে ছাত্রলীগের বিক্ষোভ সমাবেশ পাঠ্যপুস্তকসহ সকল ক্ষেত্রে ইতিহাস বিকৃতির প্রতিবাদ

জনপদ ডেক : জাতীয় পাঠ্যপুস্তকসহ সকল ক্ষেত্রে ইতিহাস বিকৃতির প্রতিবাদে গত মঙ্গলবার বাংলাদেশ ছাত্রলীগ সারা দেশে প্রতিবাদ সমাবেশ করে। এ বিষয়ে আমদের প্রতিনিধিদের পাঠানো সংবাদ।
নোয়াখালী : ছাত্রলীগের উদ্যোগে নোয়াখালী জেলা শহরে বিক্ষোভ মিছিল বের করা হয়। বিক্ষোভ সমাবেশ শেষে ছাত্রলীগ জেলা শাখার সভাপতি শহীদুল্লাহ বান সোহেলের সভাপতিত্বে অনুষ্ঠিত সমাবেশে বক্তব্য রাখেন জেলা কমিটির সাধারণ সম্পাদক ইমন ভট্ট, একরামুল হক বিপ্লব প্রমুখ।

নাটোর : নাটোর ডিসি অফিসের সামনে ছাত্রলীগ বিক্ষোভ সমাবেশ করে। সমাবেশে বক্তব্য রাখেন জেলা ছাত্রলীগ সভাপতি পহিদুল ইসলাম বকুল, সাধারণ সম্পাদক কাজী মোক্কেমুল মান্নান পলাশ, নাটোর সরকারি নবাব সিরাজ-উদ-দৌলা কলেজের ডিপি ইন্সটিটিয়াক আহমেদ ডলার ও শফিকুল ইসলাম সুমন। বক্তারা বলেন, সরকার পাকিস্তানি কায়দায় হামিদুর রহমান পিকা কমিশন বাস্তবায়ন করেছে। সরকার পাঠ্যপুস্তকে বঙ্গবন্ধু ও জিয়াউর রহমানকে একই সমান্তরালে ফেলেছে এবং জিয়াউর রহমানকে স্বাধীনতার ঘোষক হিসেবে প্রতিষ্ঠিত করার ষ্টানচক্রমণে মেতে উঠেছে।
রাজশাহী : রাজশাহী মহানগর ছাত্রলীগের উদ্যোগে রাজশাহী জেলা প্রশাসকের কার্যালয় ঘেরাও কর্মসূচি পালন করা হয়। শত শত ছাত্রছাত্রী এ ঘেরাও কর্মসূচিতে অংশ নেয়। ঘেরাও শেষে দাবি দীর্ঘতাল সংবলিত একটি স্বাক্ষরিত জেলা প্রশাসককে প্রদান করা হয়।

এর আগে কোট শহীদ মিনার চত্বরে মহানগর ছাত্রলীগের আহ্বায়ক আবদুল মোমিনের সভাপতিত্বে এক প্রতিবাদ সমাবেশ অনুষ্ঠিত হয়। সমাবেশে অন্যদের মধ্যে বক্তব্য রাখেন ছাত্রলীগ নেতা জেছু সরকার, মোজাহিদ হোসেন মানিক, আখতার আহমেদ বাবু ও আলী আকাস বাবু। বক্তারা বলেন, দেশ পরিচালনায় বার্ষিক জোট সরকার এখন ইতিহাস বিকৃতিতে

মেতে উঠেছে। ইতিহাস বিকৃতির বিরুদ্ধে ছাত্রলীগ জনতাকে সঙ্গে নিয়ে দেশব্যাপী আন্দোলন গড়ে তুলবে।

নরসিংদী : নরসিংদী জেলা ছাত্রলীগ জেলা আওয়ামী লীগ অফিসের সামনে থেকে একটি বিক্ষোভ মিছিল বের করে। মিছিলটি শহরের প্রধান প্রধান সড়ক প্রদক্ষিণ করে জেলা প্রশাসকের কার্যালয়ে গিয়ে জেলা প্রশাসকের কাছে একটি স্বাক্ষরিত পত্র প্রদান করে।

এর আগে ছাত্রলীগ সভাপতি জুবায়ের আহমেদের সভাপতিত্বে বক্তব্য রাখেন জেলা ছাত্রলীগের সাবেক সভাপতি আ. বাহেদ কুইয়া, সাধারণ সম্পাদক মোজাহিদ হোসেন টিপু, মিনা মোহাম্মদ মঞ্জুর, এম এ কাইয়ুম, সাইফুল ইসলাম, এস এম সৌদিম জিকো, আলতাফ হোসেন প্রমুখ।

বক্তারা পাঠ্যপুস্তকে মুক্তিযুদ্ধের ইতিহাস বিকৃত করা থেকে বিরত থাকার জন্য জোট সরকারের প্রতি আহ্বান জানান।